

U Levante Scatenatu

U levante scatenatu
Trattendu fermu l'imbastu,
Senza tema u marosu
In Corsica ci hà purtatu.
Stata hè vulintà di Diu
È di Cristu furtunatu.

U culombu hà intrunatu
U rughjone ammutulitu,
U so sonu hà ribumbatu
Sveghjendu ogni partitu,
Ancu a mufra impaurita
Apri l'ochji intramanita.

Ch'ellu sia benedettu
L'annu ottucentu è trè,
Quandu Leoni « u Strettu »
Papa vulendu esse rè,
D'ordini in carta bullata
Santa avia fattu l'armata.

Maiò era la scumissa
Contru u Moru sarracinu,
Di ripiglià a so terra
Mandendu lu palatinu,
Carcu di croci è di fede
È cù u bracciu à cavalcinu.

Oghje semu in terra corsa
Pè curà ogni ferita,
È renda à questu paese
U veru sensu di a vita
Chì ùn pò avè valore
Smintichendu lu Signore.

G. Gistucci / Malcolm Bothwell